

No. 1078

七佛俱胝佛母心大准提陀罗尼法

唐善无畏奉 诏译

独部别行

𑖀(na) 𑖄(mah) 𑖑(sa) 𑖔(pta) 𑖘(n ā m) 𑖑(sa) 𑖔
 (mya) 𑖘(ksam) 𑖔(bu) 𑖔(ddh ā) 𑖘(ko)
 那 么 飒 哆 喃(去声) 三 藐 三 勃 佉 俱
 𑖔(ti) 𑖘(n ā m) 𑖀(ta) 𑖔(dya) 𑖔(th ā) 𑖔(om) 𑖔
 (ca) 𑖔(le) 𑖔(cu)
 胝 喃(去声) 怛 侄也(二合) 他 唵 折 戾 主
 𑖔(le) 𑖔(c ā) 𑖔(ddhe) 𑖔(sv ā) 𑖔(h ā)
 戾 准 提 娑嚩(二合) 诃

总摄二十五部大曼荼罗尼印。以二手无名指小指。相叉于内。二中指直竖相拄。二头指屈。附二中指第一节。二母指捻左右手无名指中节。若有召请。二头指来去。

佛言此呪印能灭十恶五逆一切重罪。成就一切白法。具戒清洁速得菩提。若在家人。纵不断酒肉妻子。但依我法无不成就。

佛言若求成就先依坛法。不同诸部广修供养。掘地香泥涂之所建立。以一面净镜未曾用者。于佛像前月十五日夜。随力供养。烧安悉香及清净水。先当静心无所思惟。然后结印诵呪。呪镜一百八遍。以囊匣盛镜。常得将随身。后欲念诵但以此镜。置于面前结印诵呪。依镜为坛即得成就。

佛言欲持此呪于十五日夜。清淨澡浴着新淨衣。面向东方半跏正坐。置镜在前。随有香华清淨水诸物。先当静心绝思。然后结印于心上。诵此呪一百八遍。诵此呪时能使短命众生还得增寿。加摩罗疾尚得除差。何况余病。若不消差无有是处。

佛言若人一心静思。诵满二十万遍四十六十万遍。世出世法无不称遂。

佛言若在家人。平旦清水漱口。未荤血时。面向东方对镜结印。诵呪一百八遍。如是不断四十九日。有吉祥事。准提菩萨令二圣者常随其人。心有所念皆于耳边一一具说。

佛言短命多病众生。月十五日夜。烧安悉香诵呪结印一百八遍。魔鬼失心野狐恶病。皆于镜中现其本身。杀放随意更再不来。增寿无量。

佛言若人无福德相。求官不迁。对镜常诵此呪。福德官当能称遂。

佛言若人欲有所作。先当思惟准提圣者。正念此呪具满七遍端身。少顷其身自然摇动。即知能遂及以吉庆。若身刚强向前向后。即知不遂必有灾难。佛言欲知此法成不成。依法诵呪具满七日。便于梦中见佛菩萨及以华菓。口吐黑物后吃白物。即知成就。

佛言此陀罗尼有大势力。至心诵持必当自证。能令枯树生华。何况世间果报。若常诵持水火刀兵怨家毒药皆不能害。若卒为鬼神伤死。结印诵呪七遍。以印印心皆令却活。舍宅不安鬼神作祸。呪土四块镇之即去。

佛言若人六亲不和。不相爱念。依法诵呪所向和合。闻名见身皆生欢喜。凡所求无不遂心。况能结齐具戒。一心清淨依法诵持。不转此身即证菩提有大功力。

佛言若人欲长生。于古塔及深山中。或净房内依镜为坛。具满二四六十万遍。青莲华和安悉香烧。于睡梦中梦食仙药。或授仙方或于镜中有五色光。光中有药随意取食。即得长生。

佛言若依法诵持一心精勤。功力说不可尽。此坛镜法不得人见。若见即不好不成毕。须密之此法不可说自当证知。随意所求速得成就受胜妙乐。

七佛俱胝佛母心大准提陀罗尼法

一校毕

慈顺

【经文信息】大正藏第 20 册 No. 1078 七佛俱胝佛母心大准提陀罗尼法

【版本记录】CBETA 电子佛典 Rev. 1.9 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
